

# КИРОВЕЦ

Тыловой ВКП(б) Райкомлэн но Райисполкомлэн органзы

21 январе 1938 арын | № 5 | 3-тй арзэ потэ

Ленинлэн знамяныз Октябрьской революция понна нюр'яськанын асьмеос вормим. Ленинлэн знамяныз асьмеос социалистической строительстволэн вормонэз понна нюр'яськанын решающей азинскем'ёс басьтыны быгатйм.

Та знамяен ик быдэс дуннеысь пролетарской революциын вормом.

Дано мед лусз ленинизм!

(СТАЛИН)

## 14 АР ЛЕНИНТЭК—ЛЕНИНСКОЙ СЮРЕС КУЗЯ



Сюрс'есын вием'ес но со-сырмем'ес — сычесь Петербургын 22(9) январе луэм виро арня нуналлэн йылпум'ям'есыз. Оружитэм ужасьесыз, нылкышноосыз но нылпиосыз войско вормиз...

—Ужась класс гражданской войналэсь бадзым уроксэ басьтиз. Пролетариатлэн революционной воспитаниез одиг нунал кустын азылань озы ва-мышитиз, кызы со огшоры, снмаськымонтэм, забитой улонлэн толэзьесыз но ар'есыз кустын вамыштыны ой быгатмсал...

ЛЕНИН.



### ЛЕНИНЛЭН ЗАВЕТ'ЕСЫЗ

—Ленинлэн кулэмез сярсы СССР-ысь совет'ёслэн II с'ездасы Сталин эшлэн 26 январе 1924 аре верамысьтыз

Эш'ёс! Асьмеос, коммунист'ёс,—нимысьтыз тусо (складо) калык'ёс. Асьмеос нимысьтыз материаллэсь лэсьтэмын. Асьмеос великой пролетарской стратегезлэсь армизэ, Ленин эшлэсь армизэ составлять карис'ёс луиском. Та армийн луон чыстэлысь выль номыр но өвёл. Сыче партилэн, кудзэ кылдытись но кивалтись Ленин эш луэ, членэзлэн нимызлэсь выль номыр но өвёл. Сыче партилэн членэныз коть кычез луыны уг быгаты. Сыче партийн членствоен герзаськем шугсекыт'есыз чиданы коть кычез уг быгаты. Ужась класслэн нылпиосыз, ёрмонлэн но нюр'яськонлэн нылпиоссы, вераны луонтэм секыт курадзон'ёслэн но геройлыко усилиослэн нылпиоссы,—тини кин'ёслы нырысь ик сыче партилэн член'ёсыныз луыны кулэ. Тини малы ленинец'ёслэн партизы, коммунист'ёслэн партизы, соин чош ик ужась класслэн партиез шуса нимаське.

Асьмеос дорысь кошкыкуз, Ленин эш асьмелы партилэн членэзлэсь великой нимзэ выльын возыны но чылкыт утылтыны завешать кариз. Ленин эш, тынэстыд заповедьдэ ми данлыко быдэстем шуса, тыныд кылмес сётиськом!

Асьме дорысь кошкыкуз Ленин эш асьме партимылэсь единствозэ синзэ кадэ

утылтыны завешать кариз. Ленин эш, тынэстыд тазэ но заповедьдэ ми данлыко быдэстем шуса тыныд кылмес сётиськом!

Асьме дорысь кошкыкуз, Ленин эш пролетар диктатураез утылтыны но юматыны завешать кариз. Ленин эш, тынэстыд тазэ но заповедьдэ данлыко быдэстем понна ми асьмелэсь кужыммес ум жаялэ шуса, тыныд кылмес сётиськом!

Асьме дорысь кошкыкуз, Ленин эш ужасьёслэсь но крестьян'ёслэсь союззэс вань кужымен юматыны завешать кариз. Ленин эш, тынэстыд тазэ но заповедьдэ ми данлыко быдэстем шуса, тыныд кылмес сётиськом!

Асьме дорысь кошкыкуз, Ленин эш республикаослэсь Союззэс юматыны но паськытатыны завешать кариз. Ленин эш, тынэстыд тазэ но заповедьдэ ми данлыко быдэстем шуса тыныд кылмес сётиськом!

Асьме дорысь кошкыкуз, Ленин эш асьмелы Коммунистической Интернационалэн принцип'есызлы верностез завешать карыса кельтиз. Ленин эш, быдэс дуннеысь ужаса улйсьёслэсь союззэс—Коммунистической Интернационалэс—юнматон но паськытатон понна ми улонмес ум жаялэ шуса, тыныд кылмес сётиськом!

## 1905 арын 9-ти январь

1905 арын 9 январе Петербургын эксейлэн войскоосыз демонстрацияе пычал'ёстэк, кбс кынызы гинэ потэм ужасьёсыз ыбылизы. Та демонстрация дыр'я сюрэ муртлэсь но тросэз виемын но кык сюрслэсь но тросэз ранить каремын вал. Тини сыче вал пумыз петербургской пролетар'ёслэн мирной демонстрациязылэн. Соос капиталист'ёслэн но чиновник'ёслэн сьбсь эксплуатациязылэсь но угнетениязылэсь асьэдыс защищать карыны курьса эксей доры оскыса мынйзы вал. Эксей нош соосыз пычалэн пумитаз. 9 январь нунал историе „Виро арня“ нимын пыриз.

Та демонстрация дыр'я ужасьёсыз эксейлэн войскоосыныз ыбылонысь пролетариат революционной вывод'ёс лэсьтиз. Бере кылем но забитой уно массаослэн правительстволы „осконзы“ быриз. Ужасьёс эксейлы оскемысь дугдызы. „Виро арня“ дыр'я столицалэн урам'ёсаз кичкем вир массаослэсь валанзэс сазэмытиз. Эксейлы йыбыр'яськон бордысен калык политической нюр'яськон нуонэ потиз. Оз утча ни со эксейлэсь ас пала дур басьтэмзэ. Калык валаз. Эксей но, капиталист но, чиновник но—ваньзы соос калыклэн тушмон'ёсыз.

9 январе луэм ужпум'ёс токма шорысь өз потэ.

Ужась класслэн улонэз тужсекыт, шуг вал. Японийен война нуон эшшо но бадзымесь секыт'ёс кылдытиз. Ужась калыклэн улонэз чидантэм секыт луиз. Японийен война нуонын Россилэн секытэ усэнэз царизмлэсь сисьмемзэ возматиз. Ваньмыз со бордысен массаослэн бадзым недовольствозы кылдыз. Кунын будыны кутскизы стачкаос. Крестьян'ёс но уно интыосын помещик'ёс пумитэ жутскизы. Соос помещик'ёс пумитэ нюр'яськонзэс активно нуизы.

9 январе луонэ мирной демонстрация сярсы правительствозэ азыло ик тодиз. Со калыкез „дышетыны“, аслаз курон'ёсыныз потаны медаз дйсьтылы ни шуыса решить кариз. Столицалэн дворец доры мыныны дасьскизы. Таин чош ик нош правительствозэ демонстрацияе люкаськем ужасьёсыз вир пёлы выйтыны, соосыз ыбылыны план тупатиз. Со лыктись революцияез жу-жан дыр'яз ик вир пёлы выйтыны но быдтыны решить кариз. Ужасьёс зимний дворецез тйяны, куашкатыны но эксеез виыны өд'яло шуыса солдат'ёсыз ужасьёс пумитэ жутызы. Тини озы пöямэн вал солдат'ёс.

„Виро арня“ сярсы нырысь ивор'ёс басьтэм безраз ик В. И. Ленин та со-

бытиосыз Россиян революциялэн кутскочаныз соос луо шуыса дуг'яз. Та восстание эшшо но паськыт тужгес но сознательной, тужгес но умой дасям восстание луонлэн нырысь лёгетэныз одно ик луоз шуиз со.

9 январь бере революционной нюр'яськон будыны кутскиз. Со каньыл'я быдэс кунэ вёлмиз. 10 январе Москваын всеобщой забастовка кутскиз. Быдэс Россиян стачкаос мыно. Баррикадаос лэсьтисько.

1905 арын ортчем революция большевик'ёслэн кивалтэмзыя мынйз. Со Бадзым пролетарской социалистической революциялэн предвестникеныз луиз. 1905 арын 9 январе луэм событиос ужась класслы но крестьянстволы сое возматиз—нюр'яськанын соослэн зэмос кивалтисенызы большевик'ёслэн партизы гинэ луыны быгатэ. Массаослэн политической сознанызы будиз... „Уно калык массаослэн политической сознанылы но революционной нюр'яськонлы та сайканзы (пробуждение) бордын луэ 1905 арлэн 22 январезлэн исторической значениез“. (Ленин, соч, т. XIX стр. 344). Тини малы Ленинлэн—Сталинлэн партиез, асьмелэн быдэс бадзым кунмы 1905 арын 9 январе луэм событиосыз то-

(Кылемез 2-ти бамаз.)

